

2 TIMOTÉO

Hállúvúeháámí Timotéo éllevu Páávoró cáátúnuháámí

Duurúvaju

¹ Oo Páávoró o íjcyáábekée Píívyéébe oke ityújkevélélléne picyóó Jetsocríjtoke mecáhcujsómé múijyú medsíjivéjúcóóítyúne bóhí meújcúné uwááboju úwááboobéré o péhíjcyaki.

² Aabe íñe tsiíñe íhyaamí diéllevu ó caatúnú ávyeta tájtsiiménédú uke o íjtsúcunúúbeke mítyane o wájyuube Timotéo éllevu. Aane óvíi uke Máavyéyuube Jetsocríjtó j Caani Píívyéébe pámeeke íídaatsóllédú íjcyabe píaabó ímí u íjcyaki.

Críjtodítýú Páávoró úwaabóne

³ Áánéllii pájyuvaré Píívyéébeke píaabó díhyallúvú ó táúmeíhijcyá panévá hallúvuré téhdújtsoobére. Áábeke tsaímíyé ó íícúvehíjcyá íínerí íjtsámeítyuube méíhdé múnáaúvúu íícúvehíjcyáábeke.

⁴ Aabe ó ítsáávehíjcyá éhnée uke o pícyoíñúneri ídátso u kímoovéne. Áánéllii ó imíllé uke o ájtyumíné o ímíjyúúveki.

⁵ Muurá ó waajácú ímí Píívyéébeke u cáhcujsóné díityáállée Róóidámúpí díítsíjju Eoníitsema cáhcujsódu.

⁶ Muuráhjáa díhyallúvú táhójtsicu o pícyóóne dííbyeke píaabó o táúmeíñé tujkéveri uke díbye

píááboobe ú piivyété dííbyé wákimyéí u méénune. Áánéllii uke o néé ímíñeúvú teene u méénuki.

⁷ Tsáháa Píívyéébe Íapííchó mépañévú pícyootú meíllityéki. Mépañévúu pícyoobe téénej tééveri íhtsutúmé meíjcyá íñevú táhjátsámeityúmé ímiááméré meíjcyame mewájyújcatsíki.

⁸ Ahdícyane núcojpillétuubéré dúwáábohíjcyá Jetsocríjtodítúyú íjcyáné uwááboju. Áhdure íñe tééné déjúcotu cúvéhóójari o íjcyáneri núcojpvívetuubéré Píívyéébedívú cátsípáávéne téhdure tééné déjúcotu u ícúbáhrámeiyóné daabúcu.

⁹ Muuráhjáa tsúúca meke ipájtyetésómeke ímiáámedi dibye díllome méjcyá dííbyeéjte. Tsáháa idyé íná ímiááne meméénúnéllii meke dibye újcutúne. Muuráhjáa ihdyu tsúúcajátújuco ííñujíi íjcyátúné ihdéjuco meke iwájyúne dibye íjtsámeíñé Críjtoj tééveri meke iújcuíñe.

¹⁰ Áhdújucóo dííbyeke iwállóóneri meke dibye úújetsóné ímiááne meke iwájyune. Aabée mééma ímíbajchó mépée mewágóóóvéiyóne. Áánemáa méhdivu bóhówajcároobe mújyú medsíjvívécúoóityúne bóhí meújcuíñe uwááboju.

¹¹ Aane íñe úwááboobéré ó pehíjcyá jodíómú íjcyátúmeke okée Píívyéébe níwaavédújuco.

¹² Aabe tééné déjúcotu páhduvaré nénéhjiri o ícúbáhrámeiyooobe tsá o núcojpvívetú dííbyedívú o cátsípáávénema. Muurá ó waajácú oke dibye píááboíñe tsiíñe Jetsocríjtó tsááíñévújuco.

¹³ Ahdícyane ímíñeúvú dííbyé uwááboju

cáhcújtsóne duráávyé muhdúhjáa uke o úwaabódu. Ááne pamévakéré wajyu Críjto meke wájyudu.

14 Aabe óví Píívyéébé uke ityújkevéélléne níwáávéne wákimyéí ímíñeúvú ú meenú dííbyé Apííchó mépañe íjcyane uke píáábóneri.

15 Áánetúu Áátsiá iiñújí cahcújtso múnáadítú tsaate oke náhbénuhíjcyarómé óhdityu péémema téhdure Pijéeromútsí Hemóójenémá pééhíí. Aane muurá tsúúca ú waajácúhi.

16 Áánetúu Onetsíiporo píváijyúvá oke aahívejé 'bohíbohíúvú' cuvéhóójari o íjcyane núcojpillétuubére. Áábedi óví Píívyéébe ídáátsóvéne píaabó panévatúré pámeekéré ítsímema.

17 Íllevúhjáa Róómávu wájtsiibe íjcyátútsihdyu oke néhcoobéré ipyéhíjcyáné níjcaúvú ájtyúmité cuvéhóójari o íjcyáabeke.

18 Aane muurá uure ú waajácú muhdúhjáa meke díbye píáábohíjcyáné Éépetsóri meíjcyámútsikye. Ahdu óví dííbyeke Píívyéébe píaabó Ávyéjuube Jet-sóó itsáácooca tsáímíyé dííbyeke iújcuki.

2

Muhdú uwáábojte íjcyane

1 Aane oví Píívyéébe uke píaabó íñe Críjtoke mecáhcújtsónéjcutu u íhtsútúúveki, Llihíu Timotéoj.

2 Aabe ihdyu muhdúhjáa mítyáméj píínévu o úwaabóné u wáájane tsíjtyeke ímíñeúvú duwáábó téhdure diityéréjuco iúwáábo tsíjtyeke.

3 Áané wákimyéiyi u ícúbáhrámeíyonéhjí imíchi díícyáne daabúcu híjcyá díibyējuco Jetsocríjtó wákimyéi múnáajpi u íjcyáábe.

4 Tsá muurá tsodáhó ímillédú íjcyatú pevéjté íjcyadu. Muurá ihdyu íavyējuube muhdú néhdújuco díbye íjcyane.

5 Muurá tsáne íicuri ímíñeúvú íicutúmé tsá téene áhdó újcutúne.

6 Áánetu úmihéneri wákímyeímyé íbájtso kéémecooca ujcú téene tájpi íjcyaki.

7 Íllu íñe uke o néhíjcyáne cáhawáá ímíñeúvú díjtso Píívyéébe páneere úhdivu íbóhówájtso.

8 Cáhawáá díjtsúcunu muhdúhjáa Jetsocríjtó míamúnáá icyánéjcutu Dabííúvúj tsiiménémúhaabe íjcyabe idsíjívetsihdyu tsiíñe bóhíñe. Áábedítýú íjcyáne uwááboju íñe méúwáábohíjcyá pajtyéteju.

9 Áané hallútú muurá éhne múúne dsíjívétso múnáájpikye icyúvéhoojánúdú oke míamúnaa cúvéhoojánuube ó ícúbáhrámeíhíjcyáhi. Árónáa téené uwááboju tsúuca pahúllevávúré tsújaavéné tsá múha muhdú méénúítyuróne.

10 Áánéllii o ícúbáhrámeíyonéhjí ó aabúcu híjcyá Píívyéébéé újcúmeke o úwáábo mújyú muhdú íjcyáityúmerējuco Jetsocríjtoj téeveri ípájtyetéki.

11 Íllu muurá nééne ímiáánējuco:
Críjtoke mecáhcujtso mé medsíjívecooca íñe ímíjyaú dííbyema meíjcyááhi.

12 Áhdure meícúbáhrámeíyonéhjí maáábúcúhajchí dííbyema máávyéjúúteéhi. Áánetu dííbyeéjté meíjcyane metóónúmeíhajchí téhdure tóónúibye íhñéjté meíjcyaróne.

13 Muurá múhdurá medáríívemeíyónáa íjcyaduré ímiáábé íjcyánéllii meke píáábohíjcyáabe.

Ímiá uwáábojte

14 Áánéllii ímiñeúvú duwáábó míamúnáake Ávyéjuube Jetsóó mémeri ditye átéréénéhjiri ityáhjájcatsíjyúcóótuki. Muurá ténéhjiri illure tútávátsohíjcyámé ímiá uwááboju lléébóíyómeke.

15 Áánetu ímiá uwááboobe u íjcyaaabe ímiñeúvú dúwáábohíjcyá ímiá uwááboju ííneri núcójpívétuubéré Píívyéébedívú u úújetéki.

16 Átéréénéhjí ditye úbállécatsíhíjcyáneri díícúvedíñe. Muurá ténéhjiri éhniíñevu iieye tútávátsámeíhíjcyáme.

17 Ááné uwááboju muurá míamúnáadi tsújaavéné illure diityéké tútávátsohíjcyá éhne múúne cheme méjpiíyi líiyaaténé meke tútávajtsódu. Muuráhjáa Himenéomútsikye Piréétoma téené uwááboju tútávajtsóhi.

18 Aamútsí muurá nehíjcyá meeva medsíjivémé tsiíñe mebóhíjyúcóóityúne. Ááneri cahcújtso múnáake tsíñejcúvuréjuco dityétsí íbúwátsohíjcyané tsíhdyuréjuco iúwáábóneri.

19 Árónáa méwaajácú íllu tene nééeneé: “Píívyéébe waajácú ihñéjteke.” Áhdure nééeneé: “Pámeere Críjtoéjté tsáhájucóo ímityúné méénúíturóne.” Ehdu Píívyéébé waajácúháámitu nééeneé.

20 Muurá tsájá pañe tsá apáañééré ímiááné wáábyuta óórótuú, tsítsííneé uwáñewáánetuu, méénúmeíñe líiyíhllóné íjcyatúne. Téhdure

muurá ijcyáné átéréénéhjí wáábyuta úméhetuu, núpájkityuu, méénúmeíhllóji.

²¹ Ahdu muurá ímityunéhjí méénújúcootúmé ímiáámeréjuco íjcyámej tééveri Píívyéébe meenú íwákimyéi.

²² Ahdícyane ihdyu díícúvedí ováhtsámú ííbúwatu ímityúné íjtsaméi tsíñáávehíjcyáneri. Ímiáábéré díícyáne ímíñéúvú duráávyé u cáhcújtsojítto. Ááne pamévamáyé wajuújcatsi múhdumé ímiááméré íjcyáne dííbyedi tsúúrámeíhíjcyámema íbúwajíí ámuha meíjcyaki.

²³ Tsá múu íícúvetú átéréénéhjíri míamúnaa táhjácatsíhíjcyáneri. Muurá ú waajácú téeménéhjí níjkeváné úhbajcátsivúréjuco.

²⁴⁻²⁵ Tsá tene ímityú Píívyéébé wákimyéi méénume úhbajcátsíñe. Pamévamáyé ímiááméré íjcyáne aabúcu híjcyáiyá ímityunéhjí íjcyaróne. Ímiááméré mítyájkímyeítýúmé chooco úwáábóiyá tsaate ímityúné íjcyámeke Píívyéébé píáábori ditye íimíjpyeténe iwáájácu ímiá uwááboju.

²⁶ Ááne ditye íjchívye Naavéné hójtsí pañétú íimillédú dibye diityéké dáríívehíjcyánetu.

3

Muhdíívané míamúnaa íjcyáíñe

¹ Áánetu wajácútsi díícyaco. Muurá nihñéétsihvúré páneere tsíhdyuréjuco cápáyóóvéíñe úmíwari míamúnaa ímityúné íjcyááhi.

2 Imílleímyé tsaímíyé ijcyá mityane idsídsívaíyóne. Mityákímyeíhíjcyáímye. Ááne nehniwu Píívyéébedítýú íihjyúváne dííbyeke meúraávyejíjtó tsá ditye ávyejúúlléityúne. Áhdure tsá ditye cáánumu íjcyárómeke ávyejúúlléityúne.

3 Tsá muucá ditye wájyúityúne. Míamúnáadi nehniwu ihjyúvahíjcyáímye. Ímityúnéhjiri úmúúpívyehíjcyáímye. Íllure tsaríllehíjcyáímye páneere ímiááné íjcyane.

4 Iñáhbévahíjcyárómeke ímityúné dáriíveímye. ‘Meíhméí’ néeme Píívyéébedi íícúvetúmeré iye tsaímíyé íjcyáíyóneri tsúúrámehíjcyááhi.

5 Pánehjídú dííbyeke meúraávyejíjtó úráávyeímye. Áronáa tsá ditye ímiáánetúré cáhcújtsóityúne. Áámedi tsá múu íícúvetúne.

6 Muurá téeméjtéjuco míamúnáake íáhíívéne álliuré úwáábohíjcyáne. Ááneri walléémuke mútátsohíjcyámé ímityúné íjtsaméí íjcyame ténehjiré líííémeke.

7 Aane díityé uwáábó úráávyerómé tsá múijyú wáájácúityú keená ímiááné íjcyane.

8 Tehdúhjáa muurá ápííchojtétsí Jáánémutsi Jááberémá Moitséeúvú úwaabóné ehdíívállehíjcyáhi. Ahdu néeme íjtsaméíúvú wáájácúmeítyúmé tsá íícúvehíjcyatú Píívyéébé uwááboju ímiáájú íjcyáneri.

9 Ároméi wájácúúvétsáméíí ímityúné imyéénuhíjcyanéúvú díityétsíhjáa ápííchojtétsí imyéénuhíjcyanéúvú wájácúúvétsáméídyu.

Timotéoke éhniíñevu Páávoru úwaabóne

10 Áánetu ihdyu ímí tehdújuco u ícyahíjcyáne ukée o úwaabódu. Aabe muurá ú waajácú muhdú o ícyahíjcyáne, muhdú o íjtsámeíñe, muhdú Críjtoke o cáhcujtsóne, panévare oke pájtyéronéhjí o áábúcu híjcyáne, pamévakéré o wájuhíjcyáne, o úwáábóné déjúcotu o ícúbáhrámeíyonéhjí o áábúcu híjcyáne.

11 Muurá ú waajácú muhdúhjáa Ajtiokíía múnaa, Icóónío múnaa, Ríítará múnaa, óhdi ícúbáhráronéhjí o áábúcu híjcyáne. Áhdure ú waajácú muhdúhjáa Píívyéébe oke ténéhjítu pátyetétsohíjcyáne.

12 Aane ímiááne ihnáhóóné Jetsocríjtoke meúraavyéné meímillémé téené déjúcotu meícúbáhrámeíñe.

13 Áánetu ímityúmé állíu múnaa íjcyame ávyétá tútavááveréjuco méénume míamúnáake éhniíñevuré állihíjcyá muhdú ímityúnehjívú iállítsámeíhijcyádu.

14 Áánetu ihdyu ímíñeúvú duráávyé ukée o úwaabóné tsúúca u wáájacúne.

15 Muurá ímí tehdújuco tsííménédítyuré u wáájacúné Píívyéébé uwááboju muhdú íwaajácúháámitu nééneé. Aane uke túkévéjtsóneri tsaímíyé Jetsocríjtoke u cáhcújtsoobe ú pájtyéteéhi.

16-17 Muuráhjáa Píívyéébé uwááboju íwaajácúháámitu íhjú uubálle múnaa caatúnú dííbyere túkévéjtsóneri meke tene iúwáábo keená ímiáájú íjcyane, téhdure meke tene ityúkévéjtsó keená állíuré íjcyánetu, áhdure meke tene iúwáábo múhdurá meícyahíjcyánetu meímíbáávyéne ímiáámé dííbyema meíjcyame ímiánéhjíréjuco

meméénuki.

4

¹ Muurá Ávyéjuube Jetsocríjtó íhtsútuube íjcyaaabe tsiĩne tsaá pámeere míamúnaa dsíjívéjúcóóróméhjima muhdú ícyahíjcyané íímíbájchoki. Áánéllii dííbyee, Píívyéébeé, íjcyámútsí úmíwávú uke o nées dííbyedítýú íjcyané uwááboju paíjyuvaré u úwáábohíjcyahdícyajcóójí íjcyaróne.

² Ímíñeúvú múhdurá neérónéhjí pañe óvéhéetuubéré cáhcújtsótúmeke chooco duwáábó muhdú tene néhdújuco. Áánetu cáhcujtsójúcoorómé múhdurá ícyahíjcyámeke íhnáhóónécoba duwáábó ditye íímíjpyeteki.

³ Muurá íjcyaiñé míamúnaa ímíá uwááboju ííhvéjtsóne íímíllehíjcyadú átéréénéhjí uwáábojtékeréjuco néhcoíñe.

⁴ Aame úúbállénéhjíríyéjuco íjcyame ílluréjuco ííhvétsoíñe ímíá uwááboju.

⁵ Áánetu ihdyu ímíáábéré díícyáne daabúcu híjcyá ímítýunéhjí uke pájtyeróne. Ááne dúwáábohíjcyá ímíáájú pajtyéteju míamúnaa icyáhíjcyá. Ehdú ímíñeúvú méénuhíjcyá díwákimyéíjyjuco íjcyane.

⁶ Muurá íñe tsúúca téeneri o ícúbáhrámeíhíjcyánetu ó wáyéeevéhi. Aabe wahájchotáréjuco o íjcyánetu o dsíjívéíñe.

⁷ Tsúúca íñe okée Píívyéébe níwáávéné wákimyéí o méénúnetu ó níjkévahi. Aabe dííbyeke o cáhcujtsóné tsá o ííhvéjtsótúne.

8 Áánéllii Jetsocríjtó ímíáábé íjcyabe tsiiñe itsáácooca téene áhdó oke ávyéjújtsóóhi. Árónáa tsá apáábyekéré oke dibye ávyéjújtsóityúne. Pámeere múhdumé ímíááméré íjcyáne tsaímíyé dííbyeke téhmehíjcyámeke téhdure ávyéjújtsóííbye.

Timotéoke Páávoró túkëvejtsóné

9 Aane óvíjyuco íícúí oke duhjéva.

10 Muurá oke náhbénuhíjcyarómé péjucóó óhdityu. Dééma péjucóó Tetsaróónicávú íjienéré íímíllehíjcyánéllííhye. Áhdure Cretsééte péjucóó Garáátsiá ííñújívu. Áhdure Tííto péjucóó Damáátsiá ííñújívu.

11-12 Áánetúu Tííkicyóké ó wallóó Éépetsóvu. Apáábyeréjucu Róóca óhdivu cóeváne. Áánéllii uke o néé kíá Mááco íjcyáábeke u néhcóne óhdivu u tsíva oke dibye táwákímyéityu ípíááboki.

13 Aabe néhi u tsáácooca óhdivu tsíva Tóróóavúu Cáápo jávú tátsuucójama táwaajácúhaamíné o pícyoíñúne. Tsáma dábájívedí ímichi tápañétúéhaamíjí íjcyane.

14 Áánetu uke ó úúballé Arejááodoro ímityúné oke dáriivéné éhne úwáñewáánetu panévaré méénuhíjcyáábe. Áábema ihdyu óvíí Píívyéébe ímíbajchó teéne.

15 Áábeke téííbúwá díícyaco. Uke mújtátsódííbye. Muurá íñe meúwáábohíjcyáné ehdíívállehíjcyáábe.

16 Aanée muurá pámeere oke náhbénurómé óhdityu pééné boone ímítyúnéhjí ímíbajchojté

úmiwávú o íhgyúváábeke tsá múha oke píáábotúne. Árómeke néhi tsá ìná pájtyéityú téené hallútu.

¹⁷ Muuráhjáa ihdyu Píívyéébe oke píáábóneri pajtyéteju o úwaabóné tsújaavé pámeere jodiómú íjcyátúrómédívu. Áhdurée oke pájtyetétsoobe oohímýe oke dóóíyónetu.

¹⁸ Aabe muurá oke panévatúré téhmeé tsaímíyé íavyéjuri dííbyema níjkyéjiri o íjcyaki. Áábeke metsu maávyéjútso múijyú níjkéváityúne. Ehdu teéne.

Páávoró pítyajcóne

¹⁹ Aane óoma duubállé Píríícama Akííramútsikye o dúúruváne. Téhdure Onetsííporóké pámeere íítsíímema ó duurúváhi.

²⁰ Téhdure uke ó úúballé Coríítovúu óhdityu Eráátó cóeváne. Áánétúu Tóróópimo chéméébeke ó pícyoíñú Miréétovu.

²¹ Áánéllii uke o néé íícúí úúníjyabái íjcyátúné ihde u tsáákíí. Téhdure uke ó úúballé ílletu uke ditye dúúruváne Eobóóroo, Podéétee, Ríínoó, Cáráóódíaa, íjcyame. Téhdure pámeere tsíjtyehji ménahbémú uke duurúváhi.

²² Áhdícyane óví Píívyéébema Ávyéjuube Jetsocríjtomútsí pámeekéré ámúhakye píaabóhi. Áyu tehjújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

6f878dbd-e896-5e27-b788-1442926dfc48